

ЎЗБЕКИСТОН
РЕСПУБЛИКАСИ

ДАВЛАТ БЮДЖЕТИ

ДАРОМАДЛАРИНИНГ 2022
ЙИЛДАГИ ИЖРОСИ
БЎЙИЧА ДАСТЛАБКИ
НАТИЖАЛАР




IMV
IQTISODIYOT VA MOLIYA VAZIRLIGI

Ўзбекистон Республикаси Давлат бюджети даромадларининг 2022 йилдаги ижроси бўйича дастлабки натижалар

Давлат бюджети даромадлари 2022 йилда 202 трлн сўмни (ЯИМга нисбатан 22,7 %) ташкил этиб, 2021 йилга нисбатан 37,2 трлн сўмга ёки 22,6%га ошди.

Давлат бюджети даромадлари динамикаси



Ҳисобот йилида Давлат бюджети даромадларининг ЯИМ¹даги улуши 22,7%ни ташкил этиб, бу кўрсаткич 2021 йилга нисбатан солиштирилганда 0,3%га ва 2020 йилга нисбатан 0,6%га ошди.

Ҳисобот йилида Давлат бюджети таркибидаги **Солиқ қўмитаси** маъмурчилигидаги тушумлар 148,4 трлн сўмни (жами Давлат бюджети даромадларига нисбатан 73,4%), **Божхона қўмитаси** бўйича тушумлар 46,0 трлн сўмни (22,8%) ҳамда **бошқа даромадлар ва солиқ бўлмаган тушумлар** 7,6 трлн сўмни (3,8%) (қўшилган қиймат солиғи бўйича қайтариш (қоплаб бериш) (19,3 трлн сўм) ва фуқароларга харид суммасидан 1% (“кэш-бэк”) қайтаришни (0,8 трлн сўм) ҳисобга олган ҳолда) ташкил қилди.

Бунда, **Солиқ қўмитаси** бўйича белгиланган прогноз 6,0 трлн сўмга ёки 4,2%га ортиғи билан бажарилди. Тушумлар 2021 йилга нисбатан 20,4 трлн сўмга ёки 16%га, 2020 йилга нисбатан эса 44,8 трлн сўмга ёки 43,3%га ошди.

Шу билан бирга, божхона қўмитаси бўйича белгиланган прогноз 4,9 млрд сўм ёки 11,9%га ортиғи билан бажарилди. Тушумлар 2021 йилга нисбатан 12,8 трлн сўм ёки 38,5%га, 2020 йилга нисбатан эса 21,3 трлн сўм ёки 86,3%га ошди.


2021 йилга нисбатан бевосита солиқлар, ресурс тўловлари ҳамда мол-мулк солиғининг Давлат бюджети даромадларидаги улуши камайган бўлса, билвосита солиқлар ҳамда бошқа даромадлар ва солиқ бўлмаган тушумларнинг улуши ошди.

¹ 2022 йил учун дастлабки ҳисоб-китоблар асосида

млрд сўм

№	Кўрсаткичлар	2020 йил			2021 йил			2022 йил		
		сумма	жами тушумга нисбатан, %	ЯИМдаги улуши, %	Сумма	жами тушумга нисбатан, %	ЯИМдаги улуши, %	сумма	жами тушумга нисбатан, %	ЯИМдаги улуши, %
	ЯИМ	602 551			734 588			888 342		
	Давлат бюджети даромадлари	132 938		22,1	164 799		22,4	202 043		22,7
1.	Бевосита солиқлар	45 207	34,0	7,5	58 930	35,8 ▲	8,0 ▲	64 447	31,9 ▼	7,3 ▼
2.	Билвосита солиқлар	46 428	34,9	7,7	56 290	34,2 ▼	7,7 ■	71 390	35,3 ▲	8,0 ▲
3.	Ресурс тўловлари ва мол-мулк солиғи	21 257	16,0	3,5	23 036	14,0 ▼	3,1 ▼	23 913	11,8 ▼	2,7 ▼
4.	Бошқа даромадлар ва солиқ бўлмаган тушумлар	20 046	15,1	3,3	26 542	16,0 ▲	3,6 ▲	42 293	21,0 ▲	4,8 ▲

2020-2022 йилларда давлат бюджети даромадлари тузилмаси




Йирик солиқ тўловчилар бўйича ҳудудлараро солиқ инспекцияси бўйича 2022 йилда тушумлар 88,3 трлн сўмни ташкил этиб, 2021 йилга нисбатан 6,0 трлн сўмга ёки 7,3%га ошди.

1. Бевосита солиқлар бўйича даромадларнинг ўзгариши

Бевосита солиқлар бўйича тушумлар 2022 йилда 64,4 трлн сўмни ташкил этиб, 2021 йилга нисбатан 5,5 трлн сўмга ёки 9,4%га ошди.


2020-2022 йилларда бевосита солиқлар турлари бўйича тушумлар динамикаси



1.1. Фойда солиғи

Фойда солиғи бўйича тушумлар 2022 йилда 37,6 трлн сўмни ташкил этиб, 2021 йилга нисбатан 713,0 млрд сўмга ёки 1,9%га камайди.

2020-2022 йилларда фойда солиғи бўйича тушумлар динамикаси




Олтин ва мис қазиб олувчи корхоналардан (НКМК ва ОКМК) ташқари бошқа солиқ тўловчилар ҳисобидан фойда солиғи тушумлари 2022 йилда 20,3 трлн сўмни ташкил этиб, 2021 йилга нисбатан 7,6 трлн сўмга ёки 60%га ошди.

Хусусан, **Йирик солиқ тўловчилар бўйича ҳудудлараро солиқ инспекциясида** рўйхатда турувчи солиқ тўловчилар (НКМК ва ОКМКсиз) томонидан фойда солиғи бўйича тушумлар 2022 йилда **13,9 трлн сўмни** ташкил этиб, 2021 йилга нисбатан **5,4 трлн сўмга** ёки **64%**га ошди.

Ҳудудий солиқ тўловчилар томонидан фойда солиғи бўйича тушумлар 2022 йилда **6,4 трлн сўмни** ташкил этиб, 2021 йилга нисбатан **2,2 трлн сўмга** ёки **52%**га ошди.

Иқтисодий фаолият турлари (иқтисодиёт тармоқлари) бўйича фойда солиғи солиқ тушумларининг таҳлилига кўра, тушумларнинг энг катта улуши (**88%**) иқтисодий фаолиятнинг **5 та** турига тўғри келди.

2022 йилда иқтисодиёт тармоқларининг фойда солиғи тушумларидаги улуши



2022 йилда молиявий ва суғурта фаолиятида (1,7 баробарга), қурилиш соҳасида (1,6 баробарга), шунингдек ишлаб чиқариш ҳамда улгуржи ва чакана савдо соҳаларида (деярлик 1,4 баробарга) солиқ тушумларининг сезиларли ўсиши кузатилди.

2020-2022 йилларда иқтисодий фаолият турлари бўйича фойда солиғи бўйича солиқ тушумлари тўғрисида маълумот

млрд сўм

№	Кўрсаткичлар	2020 йил		2021 йил		2022 йил		Ўсиш, %	
		сумма	улуш, %	сумма	улуш, %	сумма	улуш, %	2022/ 2020 йй.	2022/ 2021 йй.
	Жами	28 712,2		38 363,3		37 649,9		130,8	
	<i>шундан, тармоқлар бўйича</i>								
1	Ишлаб чиқариш	2 851,5	9,9	4 380,8	11,4	6 485,1	17,2	227,4	148,0
2	Молиявий ва суғурта фаолияти	1 884,0	6,5	2 546,5	6,6	4 410,6	11,7	234,1	173,2
3	Улгуржи ва чакана савдо	1 399,5	4,9	2 016,7	5,2	2 911,0	7,7	208,0	144,3
4	Қурилиш	840,0	2,9	933,3	2,4	1 503,7	4,0	179,0	161,1
5	Тоғ-кон саноати ва очик конларни ишлаш	19 503,9	67,8	25 740,5	67,0	17 822,7	47,3	91,4	69,7

Фойда солиғи бўйича тушумларни камайишига бир қатор омиллар таъсир кўрсатди, жумладан:

- НКМК ва ОКМК учун фойда солиғининг юқори ставкаси **75%дан 50%гача** пасайтирилиши ҳамда ушбу корхоналарнинг харажатлари ўсиши натижасида мазкур солиқ тўловчилар томонидан 2021 йилга нисбатан фойда солиғи **8,3 трлн сўм** миқдорида кам тўланди (бунда фойда солиғининг пасайтирилган ставкасининг фарқи дивиденд тарзида бюджетга ундирилди);
- 2022 йилда амортизация ажратмалари нормалари ўртача 2 баробарга оширилди. Натижада, 2022 йил 9 ойлик солиқ ҳисоботларига кўра амортизация нормалари миқдорини кўпайиши сабабли фойда солиғи базасидан чегирилган **8,9 трлн сўм** ҳисобидан деярлик **1,3 трлн сўм** маблағлар хўжалик субъектлари ихтиёрида қолдирилди;
- бир марталик инвестициявий чегирма миқдори 2 баробарга оширилди. Бунинг натижасида солиқ тўловчилар бир вақтнинг ўзида фойда солиғи бўйича солиқ базасини **1 264,0 млрд сўмга** камайтирдилар ва деярлик **190 млрд сўм** уларнинг ихтиёрида қолдирилди;
- тадбиркорлик субъектларига онлайн назорат-касса машинаси ва виртуал кассага уланган, штрих-кодлар ва рақамли маркировка кодларини тўғри ўқишни ва аниқлашни таъминловчи махсус қурилмаларни сотиб олиш билан боғлиқ харажатларни фойда

солиғини ҳисобига камайтириш имконияти яратилганлиги натижасида **2 854 та** солиқ тўловчилар ихтиёрида фойда солиғи ҳисобидан **6,1 млрд сўм** қолдирилди;

- махсус иқтисодий зоналарнинг иштирокчиларига фойда солиғини тўлашдан ўзи киритган инвестициялар ҳажмига қараб озод этилиши жорий қилинди (3 - 5 миллион АҚШ долларигача бўлган миқдордаги инвестициялар учун – **3 йил** муддатга; 5 - 15 миллион АҚШ долларигача бўлган миқдордаги инвестициялар учун – **5 йил** муддатга; 15 миллион АҚШ доллари ва ундан юқори миқдордаги инвестициялар учун – **10 йил** муддатга). Натижада **55 та** солиқ тўловчилар ихтиёрида **151,6 млрд сўм** маблағлар қолди.

Фойда солиғи бўйича тушумларни ўсишига бир қатор омиллар ижобий таъсир кўрсатди. Жумладан:

- фойда солиғи тўловчилар сони 2022 йилда **165,2** мингтани ташкил этиб, 2021 йилга нисбатан **24,6 мингтага** ёки **17,5%**га ошди;
- 2022 йилда фойда солиғи бўйича бўнак тўловларини тўлайдиган солиқ тўловчилар сони **19 788 тани** ташкил этиб, 2021 йилга нисбатан **5 461** тага ёки **38,1%**га ошди:

Фойда солиғи бўйича бўнак тўловларини тўлайдиган солиқ тўловчилар сони			Ўсиш (2021й. / 2022й.)
2020 йил	2021 йил	2022 йил	
11 456	14 327	19 788	5 461

Маълумот учун: жами даромади жорий солиқ давридан олдинги солиқ даври учун киритилган тузатишларни ҳисобга олган ҳолда 5 млрд сўмдан ошадиган солиқ тўловчилар ҳар ойлик бўнак тўловларини тўлайди.

- тижорат банклари томонидан **эҳтимолий йўқотишлар бўйича яратиладиган захира фондларини** фойда солиғи базасидан чегириладиган миқдори **80%**гача пасайтирилди (2021 йилда яратилган захираларнинг **100%**и солиқ базасидан чегирилар эди). Натижада, 2022 йилда тижорат банклари томонидан тўланган фойда солиғи 2021 йилга нисбатан **1,2 трлн сўмга** ёки **99%**га ошди.

Бундан ташқари, фойда солиғи тушумларини ўсишига полиэтилен ва мобил алоқа хизматлари учун акциз солиғи ставкаларини пасайтирилганлиги, суюлтирилган газ учун акциз солиғини бекор қилинганлиги, солиқ маъмуриятчилиги

такомиллаштирилганлиги, жумладан текширувдан олдинги таҳлил ва бошқа назорат тадбирлари натижаси ижобий таъсир кўрсатди.

1.2. Жисмоний шахслардан олинадиган даромад солиғи

Жисмоний шахслардан олинадиган даромад солиғи бўйича тушумлар 2022 йилда **24,3 трлн сўмни** (шу жумладан, тўлов манбаида ушлаб қолинадиган солиқ бўйича – 22,5 трлн. сўмни) ташкил этиб, 2021 йилга нисбатан **5,4 млрд сўмга** ёки **28,4%**га ошди.

Бунда, қатъий белгиланган миқдорда жисмоний шахслардан олинадиган даромад солиғи бўйича тушумлар 2022 йилда **393,3 млрд сўмни** ташкил этиб, 2021 йилга нисбатан **3,4 млрд сўмга** ёки **0,9%**га камайди.

Жисмоний шахслардан олинадиган даромад солиғи бўйича тушумларнинг ўсишига бир қатор омиллар ижобий таъсир кўрсатди. Жумладан:

- бюджет секторида энг кам иш ҳақини 2021 йилга нисбатан ўртача **14,7%га** оширилиши;
- иқтисодиётнинг барча секторларида ходимлар сони ва меҳнатга ҳақ тўлаш фондини легаллаштириб борилиши.

Натижада 2022 йилда жисмоний шахслардан олинадиган даромад солиғи тўловчилари сони **5 018 мингтани** ташкил этиб, 2021 йилга нисбатан **215 мингтага** ёки **8%**га ошди.

2020-2022 йилларда бюджет ва нобюджет ташкилотлари кесимида иш ҳақи даражаси динамикаси

№	Иш ҳақи миқдори	минг киши			
		2021 йил (ноябрь)		2022 йил (ноябрь)	
		тўловчилар сони	улуши, (%)	тўловчилар сони	улуши, %
1.	1 млн. сўмгача	1 509 741	31,4	1 404 377	28,0
	<i>бюджет сектори</i>	451 640	9,4	369 089	7,4
	<i>нобюджет сектори</i>	1 058 101	22,0	1 035 288	20,6
2.	1 млн. сўмдан 2 млн. сўмгача	1 231 621	25,6	1 232 569	24,6
	<i>бюджет сектори</i>	603 732	12,6	610 734	12,2
	<i>нобюджет сектори</i>	627 889	13,1	621 835	12,4
3.	2 млн. сўмдан 4 млн. сўмгача	1 221 308	25,4	1 264 598	25,2
	<i>бюджет сектори</i>	600 468	12,5	655 941	13,1
	<i>нобюджет сектори</i>	620 840	12,9	608 657	12,1
4.	4 млн. сўмдан 5,5 млн. сўмгача	383 523	8,0	467 233	9,3
	<i>бюджет сектори</i>	152 308	3,2	218 240	4,3

минг киши

№	Иш ҳақи миқдори	2021 йил (ноябрь)		2022 йил (ноябрь)	
		тўловчилар сони	улуши, (%)	тўловчилар сони	улуши, %
	нобюджет сектори	231 215	4,8	248 993	5,0
5.	5,5 млн. сўм ва ундан юқори	456 424	9,5	649 255	12,9
	бюджет сектори	144 491	3,0	224 678	4,5
	нобюджет сектори	311 933	6,5	424 577	8,4
	Жами:	4 802 617	100	5 018 032	100

Шунингдек, 2022 йилда меҳнатга ҳақ тўлаш фонди **156,9 трлн сўмга** етиб, 2021 йилга нисбатан **30,7 трлн сўмга** ёки **25%га** ошди.

Тақдим этилган солиқ ҳисоботи асосида адвокатлик ва аудиторлик ташкилотлари ходимларининг иш ҳақи кўринишидаги даромадлари ҳам таҳлил қилинди (2022 йил ноябрь ойи мисолида).

Адвокатлик ва аудиторлик ташкилотлари ходимларининг иш ҳақи

Т/р	Иш ҳақи миқдори	Адвокатлик ташкилотлари		Аудиторлик ташкилотлари	
		тўловчилар сони, киши	Улуши (%)	тўловчилар сони, киши	Улуши (%)
1.	1 млн сўмгача	1624	34,8	196	13,6
2.	1 млн сўмдан 2 млн сўмгача	1249	26,8	340	23,5
3.	2 млн сўмдан 4 млн сўмгача	816	17,5	237	16,4
4.	4 млн сўмдан 5 млн сўмгача	276	5,9	124	8,6
5.	5 млн сўм ва ундан ортиқ	702	15,0	548	37,9
	Жами:	4152	100	1532	100

Ҳисоботлардан шуни кўриш мумкинки, адвокатлик фаолияти билан шуғулланувчи ташкилотлар ходимларининг— **34,8%и 1 млн сўмгача** ва **37%и 5 млн сўмдан юқори** иш ҳақи олади.

2022 йилда солиқ тўловчиларнинг дивидендлар ва фоизлар тарзидаги даромадларидан давлат бюджетига **758,6 млрд сўм**, мол-мулкни ижарага беришдан олинган даромадларидан эса **361,6 млрд сўм** даромад солиғи тўланди.

Жисмоний шахсларнинг дивиденд тарзида олган даромадлари 2022 йилда **8,8 трлн сўмни** ташкил этиб, ушбу даромадлар ҳисобидан **429 млрд сўм** даромад солиғи тўланди.

Жисмоний шахсларнинг дивиденд тарзида олган даромадлари

млрд сўм

Солиқ тўловчилар	2021 йил		2022 йил	
	Дивиденд тарзида олинган даромадлари	Тўлов манбаидан ушлаб қолинган солиқ суммаси	Дивиденд тарзида олинган даромадлари	Тўлов манбаидан ушлаб қолинган солиқ суммаси
Жисмоний шахс	7 573,6	379,9	8 794,2	429,0


1.3. Айланмадан олинадиган солиқ

Айланмадан олинадиган солиқ бўйича тушумлар 2022 йилда **2,5 трлн сўмни** ташкил этиб, 2021 йилга нисбатан **863,3 млрд сўмга** ёки **52,3%**га ошди.

Айланмадан олинадиган солиқ тўловчилар сони 2022 йилда **330,7 мингтани** ташкил этиб, 2021 йилга нисбатан **24,1 мингтага** ёки **7,3%**га ошди.

Айланмадан олинадиган солиқ тушумларининг ҳудудлар кесимидаги таҳлилига кўра Тошкент шаҳрининг улуши энг юқори – **31,7%**ни ташкил этди.

2022 йилда ҳудудлар кесимида айланмадан олинадиган солиқ тушумлари (млрд сўм)



Айланмадан олинадиган солиқ бўйича тушумларнинг ўсишига иқтисодий ўсиш, солиқ органларида замонавий ахборот


технологияларини, хусусан онлайн НКМ, “кеш-бэк” ва “солиқ ҳамкор” тизимларини жорий этилиши ижобий таъсир кўрсатди.

Шунингдек, тадбиркорлик субъектларига онлайн назорат-касса машинаси ҳамда виртуал кассага уланган, штрих-кодлар ва рақамли маркировка кодларини тўғри ўқишни ва аниқлашни таъминловчи махсус қурилмаларни сотиб олиш билан боғлиқ харажатларини **айланмадан олинадиган солиқ** базасидан чегириш имконияти берилганлиги натижасида **17 539 та** солиқ тўловчилар ихтиёрида **16,8 млрд сўм** маблағ қолди.

2. Билвосита солиқлар бўйича даромадларнинг ўзгариши

Билвосита солиқлар бўйича тушумлар 2022 йилда 71,4 трлн сўмни ташкил этиб, 2021 йилга нисбатан 15,1 трлн сўмга ёки 26,8%га ошди.

2020-2022 йилларда билвосита солиқлар бўйича тушумлар динамикаси (трлн сўм)



2.1. Қўшилган қиймат солиғи

Қўшилган қиймат солиғи (ҚҚС) бўйича тушумлар 2022 йилда 52,2 трлн сўмни ташкил этиб, 2021 йилга нисбатан 13,8 трлн сўмга ёки 35,8%га ошди.

2022 йилда ҚҚС бўйича давлат бюджетига **солиқ органлари** томонидан **32,8 трлн сўм** (2021 йилга нисбатан 28,3%га кўпроқ), **божхона органлари** томонидан **38,7 трлн сўм** (2021 йилга нисбатан 41,8%га кўпроқ) ундирилди.

2022 йил 1 апрелдан жисмоний тарбия ва спорт ташкилотлари томонидан кўрсатиладиган хизматлар (*бюджет ташкилотлари томонидан кўрсатиладиган жисмоний тарбия ва спорт хизматлари бундан мустасно*) ҳамда банк муассасалари учун қиймати қатъий суммада белгиланган банк операциялари бўйича ҚҚСдан имтиёзлар бекор қилинди.

Бунинг натижасида давлат бюджетига 2022 йилда жисмоний тарбия ва спорт ташкилотлари томонидан **51,9 млрд сўм** ва тижорат банклари томонидан қатъий белгиланган суммада кўрсатиладиган банк операциялари бўйича **292 млрд сўм**, ҚҚС тўланди.

ҚҚСнинг бюджетга тўлиқ келиб тушишини таъминлаш билан бир қаторда ҳисобга олинadиган ҚҚС суммасининг ҳисобланган солиқ суммасидан ошиши натижасида юзага келадиган солиқ ўрнини

қоплаш тартиби ҳам мунтазам равишда такомиллаштириб борилмоқда.

ҚҚСдан манфий фарқни қоплаш учун 2022 йил давомида **6 509 та** тадбиркорлик субъектларига **19,3 трлн сўм** миқдорида маблағлар қайтарилди (ҚҚС тушумларига нисбатан 27%). Солиштириш учун, 2021 йилда ушбу мақсадларда жами **14,4 трлн сўм**, 2020 йилда **9 трлн сўм** маблағлар солиқ тўловчиларга қайтарилган. Қоплашнинг умумий суммасидан **11,2 трлн сўм** ёки **58,2%и 100 та** тадбиркорлик субъектлари улушига тўғри келади.

2022 йилда ҚҚС бўйича тушумларнинг ўсиши иқтисодий фаолликнинг ошиши, солиқ маъмуриятчилигини такомиллаштирилиши билан бир қаторда, солиқ тўловчилар сонининг ортиб бориши билан шартланади. 2022 йилда солиқ тўловчилар сони **165,2** мингтани ташкил этиб, 2021 йилга нисбатан **23,7** мингтага ёки **16,7%га** ошди.

Қишлоқ хўжалиги товарлари ишлаб чиқарувчилари томонидан ҚҚС тўланиши лозим бўлган суғориладиган экин майдонлари 50 гектардан 25 гектаргача пасайтирилиши натижасида ушбу тоифадаги солиқ тўловчилар сони 2022 йилда **38 мингтани** ташкил этиб, 2021 йилга нисбатан **2,7 мингтага**, ёки **7,6%га** ошди.

2022 йилда **божхона органлари** томонидан ҚҚС бўйича давлат бюджетига тушумларнинг 2021 йилга нисбатан **41,8%га** кўпроқ ундирилиши таъминланди.

Божхона даромадларининг ошиши импорт ҳажмининг ошиши, божхона имтиёзларининг амал қилиш муддатининг тугаши (божхона тўловлари бўйича айрим имтиёзларнинг амал қилиш муддати 2022 йил 1 январдан тугатилган), тариф сиёсатининг ўзгариши (акциз солиғи ва божхона божи ставкалари), шунингдек, божхона тартиб-таомилларини соддалаштириш, товарларни эркин муомалага чиқаришни тезлаштириш ва божхона маъмуриятчилигининг янги усуллари жорий этиш бўйича божхона органлари томонидан кўрилатган чора-тадбирлар билан шартланган.

Масалан, 2022 йилда ўтган 2021 йилга нисбатан озиқ-овқат маҳсулотлари импорти **687,3 млн АҚШ долларига** ёки **38%га** ошди.

2021-2022 йиллар учун товарлар кесимида импорт ҳажмининг ўзгариши

минг АҚШ долл.

№	Товарлар номи	2021 йил	2022 йил	Ўсиш	
				(+/-)	%
	Жами	23 740 369,3	28 115 029,2	4 374 659,9	18,4%
	<i>шундан:</i>				
1	Транспорт ва унинг эҳтиёт қисмлари	3 256 055,1	4 122 491,4	866 436,3	26,6%
2	Технологик асбоб-ускуналар	3 702 879,2	3 920 734,1	217 854,9	5,9%
3	Металл ва металл буюмлари	2 857 610,3	3 433 759,8	576 149,5	20,2%
4	Озиқ-овқат товарлари	1 795 981,5	2 483 294,2	687 312,7	38,3%
5	Электротехника ва унинг қисмлари	1 928 607,3	2 029 366,7	100 759,4	5,2%
6	Фармацевтика маҳсулотлари	1 732 629,4	1 786 972,2	54 342,8	3,1%
7	Кимё саноати маҳсулотлари	1 074 552,5	1 372 889,0	298 336,5	27,8%
8	Нефть ва нефть маҳсулотлари	1 161 174,0	1 274 001,9	112 827,9	9,7%
9	Пластмасса ва пластмассадан ясалган буюмлар, плёнка	828 316,3	1 090 119,8	261 803,5	31,6%
10	Қишлоқ хўжалиги маҳсулотлари	747 029,5	963 331,0	216 301,5	29,0%

Қўшилган қиймат солиғини йиғиш маъмуриятчилигини такомиллаштириш бўйича кўрилаётган чоралар ҚҚС (йиғилувчанлиги бўйича) самарадорлигини ошириш имконини берди.

ҚҚС самарадорлиги (йиғилувчанлиги бўйича) 2021 йилдаги **48%дан** 2022 йилда **53,7%гача** ошди. (ҚҚС йиғиш самарадорлиги = ҚҚС тушумини ЯИМдаги улуши / ҚҚС ставкаси).

2020-2022 йилларда қўшилган қиймат солиғи самарадорлик коэффицентининг ўзгариши

млрд сўм


№	Даромад номлари	2020 йил	2021 йил	2022 йил
	ЯИМ	602 551	734 588	888 342
1	Солиқ қўмитаси	20 486	25 572	32 812
2	Божхона қўмитаси	19 738	27 284	38 689
	ЯИМ га нисбатан улуши (йиғилувчанлик бўйича), %	6,7	7,2	8,0
	Солиқ ставкаси, %	15	15	15
	C-efficiency (йиғилувчанлик бўйича), %	44,5	48,0	53,7
	Жами қўшилган қиймат солиғи	31 177	38 439	52 189
	ҚҚС қайтарилиши (қоплаш.)	-9 046	-14 417	-19 312
	қоплаш суммасининг улуши	22,5%	27,3%	27,0%

2.2. Акциз солиғи

2022 йилда **акциз солиғи** бўйича тушумлар **13,5 трлн сўмни** ташкил этиб, 2021 йилги нисбатан **0,4 млрд сўмга** ёки **2,8%**га ошди.

2022 йилда **солиқ органлари** томонидан йиғилган акциз солиғи тушумлари **13,1 трлн сўмни** ташкил этиб, 2021 йилга нисбатан **0,3 трлн сўмга**, 2020 йилга нисбатан **2,2 трлн сўмга** ошган бўлса, **божхона органлари** томонидан йиғилган акциз солиғи тушумлари **377,8 млрд сўмни** ташкил этиб, 2021 йилга нисбатан **70,1 млрд сўмга** ошиб, 2020 йилга нисбатан **480,7 млрд сўмга** камайди.

2020-2022 йилларда акциз солиғи тушумлари динамикаси



2022 йилда жами акциз солиғи тушумларида божхона қўмитаси тушумларининг улуши 2020 йилга нисбатан қарийб **480,7 млрд сўмга** ёки **56%**га камайишининг асосий сабаби 2021 йил бошидан бошлаб товарларни олиб киришда **73 та** позиция бўйича товарларга акциз солиғи ставкалари бекор қилинишидир.

Тамаки маҳсулотлари бўйича акциз солиғи ставкаси **10%**га оширилишига қарамай 2022 йил давомида ушбу маҳсулотлар бўйича тушумлар **3,6%**га ошди.

2020-2022 йилларда **солиқ органлари** томонидан йиғилган акциз солиғи тушумларининг акциз ости товарлар кесимидаги ҳолати қуйидагича:



алкоголь маҳсулотлари (пиво маҳсулотлари билан бирга) – 1 769,2 млрд сўм
(2021 йилда – 1 689,4 млрд сўм; 2020 йилда – 1 650,2 млрд сўм)

тамаки маҳсулотлари – 1 998,4 млрд сўм

(2021 йилда – 1 929,8 млрд сўм; 2020 йилда – 1 545,0 млрд сўм)



нефть маҳсулотлари – 576,6 млрд сўм

(2021 йилда – 505,5 млрд сўм; 2020 йилда – 376,3 млрд сўм)

табiiй газ – 4 221,9 млрд сўм

(2021 йилда – 4 291,2 млрд сўм; 2020 йилда – 3 646,4 млрд сўм)



полиэтилен гранулалари – 251,4 млрд сўм

(2021 йилда – 372,1 млрд сўм; 2020 йилда – 249,3 млрд сўм)

мобиль алоқа хизматлари – 868,0 млрд сўм

(2021 йилда – 1 084,3 млрд сўм; 2020 йилда – 1 208,5 млрд сўм)



бензин, дизель ёқилғиси ва газни охириги истеъмолчига реализация қилишдаги акциз солиғи – 3 387,9 млрд сўм

(2021 йилда – 2 855,1 млрд сўм; 2020 йилда – 2 098,1 млрд сўм)

Бундан ташқари 2021 йил октябрь ойидан ўзгартирилган қатъий суммада белгиланган акциз солиғи ставкалари алкоголь ва тамаки маҳсулотлари учун 2022 йил 1 июнга қадар сақлаб қолинди ва 2022 йил 1 июндан ўртача **10%га** индексация қилинди.

Шунингдек, 2022 йилда суюлтирилган газ ишлаб чиқарувчилардан олинадиган акциз солиғи бекор қилинди. Бунинг натижасида тадбиркорлик субъектлари ихтиёрида **51,6 млрд сўм** қолдирилди.


Мобиль алоқа хизматини кўрсатганлик учун акциз солиғи ставкаси **15%дан 10%гача** камайтирилди. Натижада солиқ тўловчилар ихтиёрида қарийб **400 млрд сўм** қолдирилди.

Полиэтилен гранулаларига акциз солиғи ставкасини (уларни импорт қилишда ҳам жорий қилган ҳолда) **20%дан 10%гача** пасайтирилиши натижасида солиқ тўловчилар ихтиёрида **215,4 млрд сўм** қолдирилди.

2.3. Божхона божи

Божхона божи бўйича тушумлар 2022 йилда **5,7 трлн сўмни** ташкил этиб, 2021 йилга нисбатан **980,8 млрд сўмга** ёки **20,6%га** ошди.

2020-2022 йилларда божхона божи бўйича тушумлар динамикаси



Божхона божи бўйича тушумларнинг ўсишига бир қатор омиллар ижобий таъсир кўрсатди. Жумладан:

- 2022 йилда товарлар импорти 2021 йилга нисбатан **4,4 млрд АҚШ долларига** ошди;
- 2022 йилда миллий валютага нисбатан АҚШ доллари курсининг ўзгариши;
- **импорт товарларини расмийлаштириш вақтини камайиши.** Божхона юк декларацияларини расмийлаштиришга сарфланган ўртача вақт 2021 йилда **3 соат 7 дақиқани** ташкил этган бўлса, 2022 йилда ушбу кўрсаткич **33 дақиқага** қисқартирилиб, **2 соат 34 дақиқани** ташкил қилди;
- импорт қилинган товарларга нисбатан божхона божининг **ўртача ставкаси** пасайтирилиши.

Хусусан, 2022 йилда айрим товарлар (*озиқ-овқат маҳсулотлари, гигиеник воситалар ва бошқалар*) учун импорт божи миқдорини вақтинчалик нол даражали ставкага туширилиши натижасида товарларини олиб келиш миқдори айнан шу товарлар бўйича 2021 йилга нисбатан **0,76 млрд АҚШ долларига** ошиб, **3,86 млрд АҚШ долларини** ташкил қилди.


3. Ресурс солиқлари ва мол-мулк солиқлари ўзгариши

Ресурс солиқлари ва мол-мулк солиғи (келгусида – ресурс солиқлари) бўйича тушумлар 2022 йилда **23,9 трлн сўмни** ташкил этиб, 2021 йилга нисбатан **0,9 трлн сўмга ёки 3,8%га** ошди.

млрд сўм

Солиқ турлари	2020 йил	2021 йил	2022 йил
Ресурс солиқлари - жами	21 257,0	23 036,4	23 912,8
Мол-мулк солиғи жами	1 974,3	2 457,3	4 015,4
шу жумладан:			
юрідик шахслар	1 240,8	1 576,1	3 040,5
жисмоний шахслар	733,4	881,2	974,9
Ер солиғи жами	2 386,7	4 082,8	5 305,9
шу жумладан:			
юрідик шахслар	1 306,8	2 662,5	3 422,0
жисмоний шахслар	1 079,9	1 420,3	1 883,9
Ер қаъридан фойдаланганлик учун солиқ	16 417,1	15 811,9	13 887,4
Сув ресурсларидан фойдаланганлик учун солиқ	478,8	684,4	704,1

Ресурс солиқлари бўйича тушумларнинг таркибида мол-мулк ва ер солиқларининг улуши 2021 йилга нисбатан **5,7% ва 4,2%га** ошиб, ер қаъридан ва сув ресурсларидан фойдаланганлик учун солиқларнинг улуши мос равишда **10,5% ва 0,1%га** камайди.



3.1. Ер қаъридан фойдаланганлик учун солиқ бўйича

Ер қаъридан фойдаланганлик учун солиқ бўйича тушумлар 2022 йилда **13,9 трлн сўмни** ташкил этиб, 2021 йилга нисбатан **1,9 трлн сўмга** ёки **12,2%га** камайди.

Ушбу солиқ бўйича тушумларнинг асосий қисми (**63,7%**) давлат улушига эга олтин ва мис қазиб олувчи корхоналар хиссасига тўғри келади.

Ушбу солиқ тури бўйича **тушумларнинг пасайиши** фойдали қазилмаларнинг айрим турлари бўйича солиқ ставкаларининг унификация қилиниши ва пасайтирилиши билан ифодаланади. Хусусан, солиқ ставкалари:

- қимматбаҳо ва рангли металллар бўйича – **10%дан 7%гача**, давлат улуши устувор бўлган корхоналар учун – **15%дан 10%гача пасайтирилди**. Натижада олтин бўйича тушумлар **2,8 трлн сўмга** камайди;
- радиоактив металллар, нодир элементлар ва нодир ер элементлари бўйича – **10%дан 8%гача**, вольфрам бўйича – **10,4%дан 2,7%гача** пасайтирилди;
- табиий газ бўйича – **30%дан 10%гача**, нефть ва газ конденсати бўйича **20%дан 10%гача пасайтирилиши** ҳамда 2022 йилдан бошлаб солиқ базасини аниқлашда “Netback” (ортга ҳисоблаш) механизми жорий этилганлиги натижасида солиқ тўловчилар ихтиёрида **538,1 млрд сўм** қолдирилди;
- норуда қурилиш материаллари бўйича ўртача **2 баробарга** пасайтирилиши натижасида солиқ тушумлари **55 млрд сўмга** камайди, шундан қум-шағал аралашмасини қазиб олиш ҳажми **2,5 млн тоннага ошган** бўлсада, солиқ суммаси **45 млрд сўмга** камайди;
- цемент ишлаб чиқариш учун мўлжаллаган оҳактош бўйича 1 тонна учун **45 000 сўмдан 22 500 сўмгача** пасайтирилди. Бунда, цемент ишлаб чиқариш учун кўмирдан фойдаланувчи заводлар учун солиқ ставкаси 11 250 сўмга (белгиланган ставканинг 50 фоизига) камайтирилди.

Цемент ишлаб чиқариш жараёнида **кўмирдан фойдаланувчи** заводлар томонидан оҳактош қазиб олиш ҳажми қарийб 10 баробарга ошди, ва 2022 йилда цемент ишлаб чиқариш учун

оҳактош учун солиқ ставкасининг 2 баробарга пасайтирилишига қарамасдан, солиқ суммаси 2021 йилга нисбатан **4,2 баробарга** ошиб, **34,1 млрд сўмни** ташкил этди.

Цемент ишлаб чиқарувчи бошқа солиқ тўловчилар томонидан бюджетга ер қазидан фойдаланганлик учун солиқ тушумлари **246,3 млрд сўмни** ташкил этиб, 2021 йилга нисбатан **304,1 млрд сўмга** (ёки **2,2 баробарга**) камайди. Бу уларнинг цемент ишлаб чиқариш учун оҳактош қазиб олиш хажмини **1,3 млн тоннага** ва ушбу турдаги фойдали қазилмалар бўйича солиқ ставкасининг **2 баробарга** камайиши билан шартланади.

3.2. Мол-мулк солиғи

Юридик шахсларнинг мол-мулкига солинадиган солиқ бўйича тушумлар 2022 йилда **3 трлн сўмни** ташкил этиб, 2021 йилга нисбатан **1,5 трлн сўмга** ёки **2 баробарга** ошди.

Юридик шахсларнинг мол-мулкига солинадиган солиқ бўйича тушумларнинг ўсишига (солиқ ставкаси **2%**дан **1,5%**гача пасайтирилишига қарамасдан) таъсир кўрсатган омиллардан бири 2022 йил 1 январдан бошлаб бино ва иншоотларга, уларнинг жойлашган жойига боғлиқ ҳолда **1 м²** учун мутлақ миқдорларда белгиланган энг кам қийматларни назарда тутувчи норма жорий этилганлигидир. Минимал қийматлар мол-мулк солиғини бозор қийматига яқин кадастр қийматидан келиб чиқиб ҳисоблашга босқичма-босқич ўтиш мақсадида киритилди.

Бунда, солиқ юкини кескин ошиб кетмаслиги учун Қорақалпоғистон Республикаси Жўқорғи Кенгеси ва халқ депутатлари вилоятлар Кенгашлари **энг кам қийматга** туманларнинг иқтисодий ривожланишига қараб **0,5 гача** бўлган камайтирувчи коэффициент киритиш ҳуқуқи берилган.

Шундан келиб чиқиб, маҳаллий давлат ҳокимияти органлари томонидан мол-мулк солиғини ҳисоблаш учун белгиланган энг кам қийматга республика бўйича **162 тумандан, 144 та туманга 0,5 - 0,9 оралиғидаги** камайтирувчи коэффициент тасдиқланган бўлса, **18 та туманга** камайтирувчи коэффициент қўлланилмаган.

Мазкур тартибга асосан **13,3%** солиқ тўловчилар кўчмас мулкнинг ўртача йиллик қолдиқ қийматидан келиб чиқиб, **1,6 трлн сўм** солиқ ҳисобланган бўлса, **86,7%** солиқ тўловчилар **1 м²** учун белгиланган **энг кам қийматдан** келиб чиқиб

1,4 трлн сўмга бўнак тўловлари бўйича маълумотнома тақдим этган.

Умумий фойдаланишдаги темир йўллар, магистраль қувурлар, алоқа ва электр узатиш линиялари, шунингдек мазкур объектларнинг ажралмас технологик қисми бўлган иншоотлар, ҳамда консервация қилиниши тўғрисида Вазирлар Маҳкамасининг қарори қабул қилинган кўчмас мулк ва тугалланмаган қурилиш объектларига нисбатан **0,5%** ставка **0,6%га** ўзгартирилганлиги ҳисобига солиқ тўловчилар томонидан **48 млрд сўм** тўловлар амалга оширилган.

2022 йилда **жисмоний шахслардан олинадиган мол-мулк солиғи** бўйича тушумлар **975 млрд сўмни** ташкил этди ва 2021 йилга нисбатан **94 млрд сўмга** ёки **10,6%га** ошди.

3.3. Ер солиғи


Юридик шахслардан олинадиган ер солиғи бўйича тушумлар 2022 йилда **3,4 трлн сўмни** ташкил этиб, 2021 йилга нисбатан **789 млрд сўмга** ёки **30,2%га** ошди.

Юридик шахслардан олинадиган ер солиғи бўйича тушумларнинг ўсишига бир қатор омиллар ижобий таъсир кўрсатган. Жумладан:

- объектларнинг айрим турлари эгаллаган ер участкаларига (умумий фойдаланишдаги темир йўллар, магистраль қувурлар, алоқа ва электр узатиш линиялари, консервация қилиниши тўғрисида Вазирлар Маҳкамасининг қарори қабул қилинган кўчмас мулк объектлари) нисбатан ер солиғи ставкаларига қўлланиладиган пасайтирувчи коэффициенти **0,3 дан 0,4 га** оширилиши ҳисобига **51 млрд сўм**;
- қишлоқ хўжалиги учун мўлажалланмаган ерлар бўйича 2021 йилда амалда бўлган базавий солиқ ставкаларини **7%га** индексация қилиниши ҳисобига қўшимча **145 млрд сўм** тушумлар келиб тушди.


Шу билан бирга, 2022 йилда ер солиғи бўйича солиқ ставкаларининг аниқ миқдорлари маҳаллий давлат ҳокимияти органлари томонидан ҳудудларнинг иқтисодий ривожланиши ва туманларнинг нуфузига кўра (*ушбу ҳуқуқ 2021 йилда маҳаллий давлат ҳокимияти органларига тақдим этилган*), камайтирувчи ва оширувчи коэффициентларни қўллаган ҳолда базавий ставкалар асосида белгиланади.

Жумладан, 2022 йилда:



Жисмоний шахслардан олинадиган ер солиғи бўйича тушумлар 2022 йилда **1,9 трлн сўмни** ташкил этиб, 2021 йилга нисбатан **464 млрд сўмга** ёки **32,6%га** фоиз ошди.

2022 йилда ушбу солиқ турлари бўйича қўшимча тушумларнинг ўсиши ер солиғи ставкаларини **7 фоизга** индексация қилиниши ҳамда маҳаллий давлат ҳокимияти органлари томонидан жисмоний шахсларга тегишли ерлар учун қўлланилган қуйидаги камайтирувчи ва оширувчи коэффицентлар ҳисобига тўғри келди, жумладан:



3.4. Сув ресурсларидан фойдаланганлик учун солиқ бўйича

Сув ресурсларидан фойдаланганлик учун солиқ бўйича тушумлар 2022 йилда **704 млрд сўмни** ташкил этиб, 2021 йилга нисбатан **20 млрд сўмга** ёки **2,9 %га** ошган.

Сув ресурсларидан фойдаланганлик учун солиқ бўйича солиқ ставкалари **10%га**, иқтисодиётнинг айрим тармоқлари учун эса – **30%га** индексация қилинган бўлишига қарамасдан тушумларнинг сезиларли даражада ошишига эришилмаяпти.

Хусусан, солиқ ставкалари **30%га** индексация қилинган иқтисодиётнинг барча тармоқларидаги корхоналар учун ҳисобланган солиқ суммаси ўтган йилга нисбатан **20,1 млрд сўмга** ошди.

Шу билан бирга, қишлоқ хўжалиги ерларини суғориш, балиқларни ўстириш (етиштириш) учун фойдаланилган сув ҳажми бўйича белигланган солиқ ставкалари 2021 йил даражасида **ўзгаришсиз** сақлаб қолинган.

Қишлоқ хўжалиги корхоналари томонидан қишлоқ хўжалиги ерларини суғориш ва балиқларни етиштириш (ўстириш) учун **7 412,5 минг куб метр** сув ҳажми бўйича ҳисобот тақдим этилиб, **296,5 млрд сўм** солиқ ҳисобланган бўлсада, улар томонидан **259,2 млрд сўм** тўланган.

Ҳисобланган солиқларни ўз вақтида тўланмагани ҳисобига, қишлоқ хўжалиги ерларини суғориш ва балиқ етиштириш (ўстириш) учун солиқ тўловчиларнинг йилдан-йилга ўтиб келиб, 2023 йил 1 январь ҳолатига **солиқ қарзи 275 млрд сўмни** ташкил этган.

4. Давлат бюджетининг бошқа даромадлари ва солиқсиз тушумлари

Давлат бюджетининг **бошқа даромадлари ва солиқсиз тушумлари** бўйича тушумлар 2022 йилда **42,3 трлн сўмни** ташкил этиб, 2021 йилга нисбатан **15,8 трлн сўмга** ёки **59,3%**га ошди.

2022 йилида бошқа даромадлар ва солиқ бўлмаган тўловларнинг асосий улуши (62,8%) давлат улушига эга корхоналар томонидан тўланадиган дивидендлар ҳисобига тўғри келди ва **26,5 трлн сўмни** ташкил этди.

Қолган даромадлар улуши қуйидагича:

- давлат активларини хусусийлаштиришдан маҳаллий бюджетларга тушумлар – 639,3 млрд сўм;
- давлат божи – 2 717,9 млрд сўм;
- йиғимлар – 2 746,1 млрд сўм;
- жарималар – 1 518,6 млрд сўм.

2022 йилги солиқ имтиёзлари бўйича қисқача шарҳ

Дастлабки маълумотларга кўра, 2022 йилда солиқ имтиёзлари суммаси **34,5 трлн сўмни**, шу жумладан Солиқ кодексига мувофиқ – **29,0 трлн сўмни** ёки жами имтиёзлар ҳажмига нисбатан **84%**ни ташкил қилди.

Солиқ имтиёзлари умумий ҳажмида ҚҚС ҳисобига **27,5 трлн сўм** тўғри келмоқда.

2022 йил давомида солиқ турлари кесимида фойдаланилган солиқ имтиёзлари

млрд сўм			
Т/р	Солиқ тури	Имтиёз суммаси	Улуши, %
Жами		34 518,1	100
1	ҚҚС	27 510,6	79,7
	шу жумладан:		
1.1	Молиявий ва суғурта хизматлари	14 139,6	51,4
1.2	Дори воситалари ва тиббий хизматлар	6 058,4	22,0
1.3	Қолганлари	7 312,6	26,6
2	Фойда солиғи	3 308,2	9,6
3	Жисмоний шахслардан олинадиган даромад солиғи	840,5	2,4

4	Сув ресурсларидан фойдаланганлик учун солиқ	5,9	0,02
5	Юридик шахсларнинг мол-мулкига солинадиган солиқ	801,9	2,3
6	Юридик шахслардан олинадиган ер солиғи	949,0	2,7
7	Ижтимоий солиқ	1 017,7	2,9
8	Айланмадан олинадиган солиқ	84,3	0,2

Шу билан бирга, 2022 йилда қўшилган қиймат солиғи бўйича ноль ставкани қўллаш натижасида экспорт ва унга тенглаштирилган хизматлардан **29,5 трлн сўмлик** қўшилган қиймат солиғи ҳисобланмаган.

Солиқ кодексига мувофиқ молиявий хизматлар бўйича тижорат банклари, суғурта ташкилотлари эса суғурта хизматлари бўйича қўллайдилар. 2022 йилда мазкур институтларга берилган имтиёзлар суммаси **14,1 трлн сўмни** ташкил қилди.

Шу билан бирга, тижорат банклари 2022 йил 1 апрелдан банк хизматлардан қисман ҚҚС тўлай бошладилар.

Бундан ташқари, ҚҚС бўйича 2022 йилда муддати узайтирилган солиқ имтиёзлари (*ағўшти (мол, қўй), тирик ҳайвонларни (мол ва қўй) ҳамда уларни сўйишдан олинган маҳсулотлар, картошкани реализация қилиш бўйича айланма ҳамда ўсимлик ёғини (пахта ёғидан ташқари) ишлаб чиқариш ва (ёки) реализация қилиш*) ҳисобига тадбиркорлик субъектлари ихтиёрида **2,7 трлн сўм** маблағлар қолдирилди.

ЎЗБЕКИСТОН РЕСПУБЛИКАСИ ДАВЛАТ БЮДЖЕТИНИНГ
2020-2022 ЙИЛЛАРДАГИ ИЖРОСИ

	2020 йил		2021 йил		2022 йил		Тушум ўсиши (2022 й/ 2021 й)		Тушум ўсиши (2022 й/ 2020 й)	
	сумма	жамига нисбатан % да	сумма	жамига нисбатан % да	сумма	жамига нисбатан % да	сумма	% да	сумма	% да
ДАВЛАТ БЮДЖЕТИ ДАРОМАДЛАРИ	132,938		164,799		202,043		69,105	152.0	37,243	122.6
шу жумладан:										
1. Бевосита солиқлар - жами	45,207	34.0	58,930	35.8	64,447	31.9	19,240	142.6	5,517	109.4
1.1 Фойда солиғи	28,712	21.6	38,363	23.3	37,650	18.6	8,938	131.1	-713	98.1
1.2 Айланмадан олинадиган солиқ	1,354	1.0	1,649	1.0	2,513	1.2	1,159	185.6	863	152.3
1.3 Жисмоний шахслардан олинадиган даромад солиғи	15,141	11.4	18,918	11.5	24,285	12.0	9,144	160.4	5,367	128.4
2. Билвосита солиқлар - жами	46,428	34.9	56,290	34.2	71,390	35.3	24,962	153.8	15,100	126.8
2.1 Қўшилган қиймат солиғи (ҚҚС):	31,177	23.5	38,439	23.3	52,189	25.8	21,012	167.4	13,750	135.8
- ҚҚС бўйича тушумлар	40,224	30.3	52,856	32.1	71,501	35.4	31,277	177.8	18,645	135.3
- ҚҚС суммасини қайтариш	-9,046	-6.8	-14,417	-8.7	-19,312	-9.6	-10,265	213.5	-4,895	133.9
2.2 Акциз солиғи	11,697	8.8	13,087	7.9	13,455	6.7	1,758	115.0	368	102.8
2.3 Божхона божи	3,554	2.7	4,765	2.9	5,746	2.8	2,192	161.7	981	120.6
3. Ресурс тўловлари ва мол-мулк солиғи	21,257	16.0	23,036	14.0	23,913	11.8	2,656	112.5	876	103.8
3.1 Мол-мулк солиғи	1,974	1.5	2,457	1.5	4,015	2.0	2,041	203.4	1,558	163.4
3.2 Ер солиғи	2,387	1.8	4,083	2.5	5,306	2.6	2,919	222.3	1,223	130.0
3.3 Ер қазғидан фойдаланганлик учун солиқ	16,417	12.3	15,812	9.6	13,887	6.9	-2,530	84.6	-1,925	87.8
3.4 Сув ресурсларидан фойдаланганлик учун солиқ	479	0.4	684	0.4	704	0.3	225	147.0	20	102.9
4. Бошқа даромадлар ва солиқ бўлмаган тушумлар	20,046	15.1	26,542	16.1	42,293	20.9	22,247	211.0	15,751	159.3

млрд. сўм

ЎЗБЕКИСТОН РЕСПУБЛИКАСИ ДАВЛАТ БЮДЖЕТИНИНГ
2022 ЙИЛ ИЖРОСИ

млрд. сўм

КЎРСАТКИЧЛАР	Прогноз	Ижро	
		Суммада	Фоизда
ДАВЛАТ БЮДЖЕТИ ДАРОМАДЛАРИ	200 000,0	202 042,9	101,0%
<i>шундан:</i>			
1. Бевосита солиқлар - жами	63 002,4	64 447,1	102,3%
1.1 Фойда солиғи	38 495,7	37 649,9	97,8%
1.2 Айланмадан олинадиган солиқ	2 393,3	2 512,7	105,0%
1.3 Жисмоний шахслардан олинадиган даромад солиғи	22 113,4	24 284,5	109,8%
2. Билвосита солиқлар - жами	73 013,8	71 390,2	97,8%
2.1 Қўшилган қиймат солиғи	53 280,0	52 189,4	98,0%
2.2 Акциз солиғи	14 907,3	13 455,0	90,3%
<i>шундан:</i>			
- алкоголь маҳсулотлари, шу жумладан пиво	2 127,1	1 769,2	83,2%
- тамаки маҳсулотлари	2 281,2	1 998,4	87,6%
- нефть маҳсулотлари	561,3	576,6	102,7%
- табиий газ	4 842,4	4 221,9	87,2%
- полиэтилен гранулалари	307,3	251,4	81,8%
- мобиль алоқа хизмати	1 211,8	868,0	71,6%
- якуний истеъмолчиларга бензин, дизель ёқилғиси ва газ реализацияси	3 219,5	3 387,9	105,2%
- импорт товарлари учун	356,7	377,8	105,9%
2.3 Божхона божи	4 826,6	5 745,7	119,0%
3. Ресурс солиқлари ва мол-мулк солиғи	22 796,3	23 912,8	104,9%
3.1 Мол-мулк солиғи	3 219,3	4 015,4	124,7%
3.2 Ер солиғи	4 503,6	5 305,9	117,8%
3.3 Ер қаъридан фойдаланганлик учун солиқ	14 374,8	13 887,4	96,6%
- шу жумладан, қурилиш материаллари бўйича ер қаъридан фойдаланганлик учун солиқ	614,5	546,3	88,9%
3.4 Сув ресурсларидан фойдаланганлик учун солиқ	698,6	704,1	100,8%
4. Бошқа даромадлар ва солиқсиз тушумлар	41 187,5	42 292,9	102,7%

Республика бўйича солиқ тўловчилар сони тўғрисида
МАЪЛУМОТ

Кўрсаткичлар номи	1 январь ҳолатига солиқ тўловчилар сони		
	2022 йил	2023 йил	фарқи (+;-)
1. Солиқ тўловчилар сони - юридик шахслар			
Фойда солиғи	140 566	165 182	24 616
Қўшилган қиймат солиғи	141 526	165 182	23 656
Акциз солиғи, жами	4 433	4 590	157
Ер қаъридан фойдаланилганлик учун солиқ	1 904	2 167	263
Сув ресурсларидан фойдаланганлик учун солиқ	137 020	156 475	19 455
шу жумладан қишлоқ хўжалиги корхоналари	82 804	85 478	2 674
Юридик шахслар мол-мулк солиғи	64 392	77 123	12 731
Юридик шахслар ер солиғи	161 028	173 397	12 369
шу жумладан қишлоқ хўжалиги корхоналари	101 893	102 615	722
2. Солиқ тўловчи сони - жисмоний шахслар			
Жисмоний шахслардан олинадиган даромад солиғи	4 925 757	5 321 825	396 068
шундан:			
- жисмоний шахслардан олинадиган даромад солиғи	4 708 111	5 083 637	375 526
- қатъий белгиланган даромад солиғи	217 646	238 188	20 542
Мол-мулк солиғи	7 468 017	7 656 268	188 251
Ер солиғи	6 564 798	6 729 011	164 213